

Nëntëmbëdhjetë përfaqësues të OJQ've në Kosovë i shkruajnë Bashkimit Evropian dhe shteteve anëtare për të kërkuar që Kosova të trajtohet në procesin e liberalizimit të vizave. Ata thonë se kosovarët janë të diskriminuarit e BE'së. Veton Surroi akuzon Qeverinë e Kosovës se nuk i ka kushtuar kujdes kërkesave të Brukselit. Në mesin e të nënshkruarve në letër, edhe Rada Trajkovic.

Përparim Isufi

perparim.isufi@gazetaexpress.com

PRISHTINË, 21 KORRIK —

Shoqëria civile në Kosovë ka kërkuar nga Bashkimi Evropian që ta rishqyrtojë qëndrimin e Komisionit Evropian për mospërfshirjen e Kosovës në procesin e liberalizimit të vizave.

Përmes një letre të nënshkruar nga 19 përfaqësues të shoqërisë civile, Brukseli thirret që të gjejë mënyrën që konsensusin për përjashtim të Kosovës nga liberalizimi i vizave ta shndërrtojë në konsensus për përfshirjen e saj në këtë proces.

Nga pesë shtete të rajonit në garë për lehtësimin e udhëtimit të qytetarëve të tyre nëpër shtetet e BE'së, vetëm Maqedonia, Serbia dhe Mali i Zi kanë përfutur mundësinë që ta bëjnë këtë që nga fillimi i vitit të ardhshëm. Shqipëria dhe Bosnja e Hercegovina, nga ana tjetër, presin që ta kapin rastin me një vit vonesë.

Por, Kosova nuk është përfshirë fare në këtë proces për shkak se pesë shtete të BE'së ende nuk e kanë njohur pavarësinë e Kosovës prandaj nuk është arritur pajtim në Bruksel për rrugën të cilën duhet ta ndjekë shteti i ri gjatë procesit.

Ekspontentë të shoqërisë civile janë shprehur të shqetësuar që Kosova është lënë jashtë këtij pro-



NA SHKELET DINJITETIN

cesi.

"Kjo rrezikon që Kosova të shndërrohet në një geto vizash pa kurrfarë rrugëdalje", thuhet në letër në të cilën politikat e Komisionit Evropian në këtë çështje vlerësohen si "të pakuptimta dhe diskriminuuese" ndaj qytetarëve të Kosovës.

Letra është nënshkruar edhe nga liderja e serbëve të Kosovës, Rada Trajkovic por në cilësinë e mjekes nga Graçanica.

"Të izolohen qytetarët e Kosovës dhe të bëhet presion shtesë

mbi serbët e Kosovës, duke i veçuar të gjithë si rrezik i posaçëm sigurie, është fyerje e pabazë. Propozimi i Komisionit Evropian e nënvlerëson mundin tonë për ta ndërtnuar një Kosovë të hapur dhe multietnike", thuhet në letër.

Veton Surroi nga Klubi për Politike të Jashtme, si njëri nga nënshkruarit e letrës, ka thënë se Kosova e izoluar në çështjen e liberalizimit të vizave do të jetë e izoluar edhe në proceset e ardhshme integruese të vendit.

"Sot njëra prej formave më të

cilat i shkelet dinjiteti qytetarëve të Kosovës nga një bashkësi ndërkombëtare e cila është e interesuar ta ndihmojë Kosovën, është në çështjen e vizave. Shkoni sot në ambasadat këtu në Kosovë ose në Shkup dhe do të shihni se si ka degraduar qasja ndaj qytetarëve të Kosovës dhe sot jemi më keq se që kemi qenë para 10-15 vjetësh", është shprehur Surroi.

Ai ka thënë se te institucionet e Kosovës ka munguar kujdesi ndaj kësaj çështjeje.

"Është e evidente se nuk ka pa-

sur as kujdes minimal në trajtimin e çështjeve teknike dhe kjo nuk është vetëm tash por edhe më herët. Që në kohën kur kemi qenë në bisedime në Ekipin e Unitetit kam insistuar që pasaporta e Kosovës të jetë biometrike", ka thënë Veton Surroi.

Pasaportat biometrike janë një ndër katër kushtet që i parashtron Komisioni Evropian një shteti për të hyrë në proces të liberalizimit të vizave, prandaj Surroi ka thënë se qeveria e Kosovës ka qenë dashur që të mos ia lejojë këtë alibi Brukselit ta përdorë kundër Kosovës.

Analistja gjermane Verena Knaus thotë se propozimi i Komisionit Evropian është diskriminues për qytetarët e Kosovës.

"Procesi i liberalizimit të vizave dhe njohja e Kosovës duhet të ndahen si çështje. Nëse 27 shtetet anëtare të BE-së ishin të gatshme të pajtoheshin për ta vendosur Kosovën si territor në listën e zezë, duke u imponuar viza qytetarëve, ato njëjtë mund të pajtohen që ta fusin Kosovën në listën e bardhë", thotë Verena Knaus nga Iniciativa Evropiane për Stabilitet (ESI).

Nënkryetari i AAK'së, Blerim Shala ka thënë se skena politike duhet të njihet me problemet që ekzistojnë në vend. Prandaj, sipas tij, Qeveria e Kosovës nuk duhet t'u shmanget temave që ngritën nga AAK'ja.

Prishtinë, 21 korrik —

Nënkryetari i Parë i AAK'së, Blerim Shala i ka kërkuar Qeverisë së Kosovës që mos t'i shmanget temave që ka ngritur opozita.

"Realisht skena politike e Kosovës duhet të njihet me problemet, që ekzistojnë në shoqërinë

Nuk duhet shmangur

e Kosovës. Dhe para se gjithash qeverisë së Kosovës i nevojitet që të trajtojë problemet shumë konkrete të cilat faktikisht kanë filluar ta vërshtojnë Kosovën", ka thënë ai në një intervistë për Radion Europa e Lirë.

"Ekziston një qasje, për bindjen time krejtësisht e paqëndrueshme e shmangies së vëmendjes dhe përqendrimit prej rasteve konkrete në "përplasjet" midis PDK'së dhe AAK'së", ka shtuar ai.

Nënkryetari i Parë i AAK'së, në

këtë intervistë ka folur edhe rreth përgatitjeve të kësaj partie për zgjedhjet lokale të 15 Nëntorit.

"Ne jemi në proces të konsultimeve brenda partisë, në procesin vendimmarrës për të gjitha komunat e mbetura, ju e dini që i kemi përcaktuar 15 kandidatë për kryetarë të komunave, prandaj edhe në këtë kontekst jemi duke e shqyrtuar edhe rastin e Prishtinës, i cili është rast i veçantë, e dini se çfarë rëndësie ka kryeqyteti i Kosovës", ka deklaruar Shala.

Ai ju ka shmangur pyetjes nëse do të kandidojë për postin e Kryetarit të Komunës së Prishtinës.

"Aktualisht, AAK akoma nuk ka vendosur për kandidatin e saj për Kryetar të Komunës së Prishtinës", ka thënë ai.

Në këtë intervistë, Blerim Shala ka folur edhe rreth bisedimeve mes EULEX-it dhe Beogradit, rreth procesit të njohjes së pavarësisë së Kosovës dhe për procesin e Kosovës në Gjykatën Ndërkombëtare të Drejtësisë.

